

kontuola

KONTUOLA, Idolaz elkarte, ANTZUOLA. Kazetaria: Marijo Deogracias **Maketazioa:** Iñaki Iturbe **Publizitatea:** Uxue Zabaleta **Erredakzio kontseilua:** Miren Anduaga, Gotzon Iparragirre, Patxi Kortabarria, Jone Larrañaga **Testuen zuzenketak:** Maripi Laskurain, Lierni Legorburu **Telefonoa eta faxa:** 943 76 65 08, Herri ikastetxea.

Antzuolako hamabostekaria, 36 zenbakia. 1999ko apirilaren 30a.

Cesareo Gabarain liburuaren aurkezpena larunbatean

“Antzuola Herria” ikerketa bekaren bigarren lana da

Maiatzaren lehenean zortzi urte beteko dira Cesareo Gabarain zenaren aldeko hileta elizkizuna egin zela Antzuolan. Hori dela eta, Udalak egun hori hautatu du bere biografia jasotzen duen liburua aurkezteko.

Antzuola Herria bekaren bidez egin den lan honen aurkezpena Errukizko Amaren parrokian egingo da zapatuan, 19:45etan. Hantxe izango dira Mikel Larrea alkatea, Iñigo Ramirez de Okariz kultura zinegotzia eta Marijo Deogracias, liburuaren egilea.

AURKEZPEN EKITALDIA

Cesareo Gabarain, konposatu zituen eliz kantuengatik egin denez ezagun, herriko abesbatza eta txistulari taldea elizan egongo dira emanaldia eskaintzeko. Ondoren, 20:15etan, Donostiako Mariaren Bihotza abesbatzak Cesareoren hainbat abesti eskainiko ditu. Aurkezpenaren ostean luntxa egongo da udaletxeko batzar aretoan.

ANTZUOLA HERRIA

Jadanik martxan da Antzuola Herria ikerketa bekaren laugarren edizioa. Antzuolako herri ohiturak bildu nahi dira oraingoan. Horretarako, pertsonaren bizitzako gertaera nagusiak, hala nola, ezkontza, bataioa, heriotza eta bestelako gertarako aztertu beharko dira. Bigarren atal batean erlijioa aitzakitzat harturik, erlijio-

arekin lotura duten eta ez duten ohiturak aztertu beharko dira. Azkenik, hirugarren zatian jaiak, ospakizunak eta bestelakoak jaso beharko dira.

Euskal Herriko herrietan ohitura antzekoak izaten direnez, Antzuolako ohituren bereizgarriak jaso beharko dira lan honetan; herriaren ezaugarri propioak jaso beharko dira, beraz.

BEHARREZKO DATUAK

Ikerketa beka honetara aurkezteko lizentziatu titulua izan behar da. Bekak 700.000 PTA-ko dirulaguntza aurreikusten du. Eskariak aurkezteko epea maiatzaren 31n amaituko da. Norberaren datuez gain, lana zela egingo litzatekeen azaltzeko memoria bat aurkeztu beharko dute interesatu guztiak.



Cesareo Antzuolalan egoean osatu zuen saskibaloi taldea, Hanka Luze-

Herriko abesbatzak eta txistulari taldeak hartuko dute parte aurkezpen ekitaldian

Joan zen apirilaren 10ean aske gelditu zen Patxi Olabarria. Martutenen zegoela askatu zuten, baina aurretik Alcalá Meco eta Navalcarnero kartzeletan ere egon da 27 urteko antzuolarra. Hiru urte eta erdi pasatxo egin ditu kartzelan Patxi eta zigorraren hiru laurdenak beteta zituen arren, ez dute askatu orain arte. Azkenean zigor osoa bete du, nahiz eta egun bat edo beste kendu dioten ikasketak direla eta.

Patxi Olabarria, preso ohia

“Hemengo notizien egaria”



Jende askok eman nahi izan zion ongietorria Patxiri, pilotalkuean.

Z e sentitu zenuen Antzuolara iritsi zinenean?

Bueno, lehenengua irten nitzanian izen zan! Martutenetik irten nitzanian eta ikusi neban jente pilliak, danak animatzen eta bestia... Hortik hasitta “pasautan” gelditu nitzan. Eta gero hona ailegau! Hemengua izen zan gehixegikua. Gaiñera herri txikixa izenda, danak ezagunak... Harrezkero be, oindio be kalera denboraz irtetzen naiz, beti dago batenbat ikusi ezotena eta. Danak etortzen die agurtzera eta zer moduz nagon galdetzer... Baiña “gozada bat” da. Hasi umietatik eta helduenera arte, danak agurtzen nabe. Ume txikixak seiñalau egitten nabe!

Erraza da horrela jardutea?

Ez! Baiña pasauko da. Egun batzutan pasauko da, pasau biharra dago eta.

Omenaldi bazkaria ere hunkigarria izango zen zuretzat?

Aurreko dana baiño gehixago izen zan. Hainbeste jente ikustia frontoian! Nik enekixen zeñek ze egin bihar zeban eta han irten zien kantuan, bertotan... Gero, gaiñera, aitta be erten zan. “Enzerona” bat izen zan hori! Erregaluak pe... etxian be ezakit nun jarri!

Azkenean kartzela zigor osoa bete duzu

Bai, uztail aldian bete nittuan hiru larenak. Estudixatzen egotiagaittik emoten dittue egunak eta ni magisterio egitten ibilli naizenez (azkenengo urtian na-

bil), egunak kentzen dotsue, baiña berez osua egin dot. Kodigo zaharrakin kondenuatu gintuzten eta haren arabera barruan zaren bi egunegaittik zigor egun bat kentzen dotsue.

Han zarella baina, kalkulu horiek egiten dira?

Ez. Beti txarrena pentsatzen dozu. Erak esaten dotsuenian igual kalkulatzen dozu, baiña aurretik hasten baldin bazara...

Zela bizi izan zenuen barruan zeundela “ni banao” esatea?

Gogorra izen zan barruan lagunak lagatzia... Goizeko zortziretan gauzak gertatzen nebillela danak agurtzera jun nitzan. Batzuk gosaltzen zeren, beste batzuk dutxan... eta nahiko gogorra izen zan. Barruan zarenian eta batenbat irtetzen danian pozten zara beragaittik. Eztozu gaizki pasatzen, baiña irtetzen da-

nak gaizki pasatzen dau. Lagun haundiak egitten dittuzu han barruan! Egoeria ezta normala eta nahiko egoera gogorak bizi izeten die sarritan. Sortzen dan amistadia ezta ahazten. Kanpuan zarenian erekin akordatzen egoten zara.

Nola antolatzen zenituen barruan egon zinen egunak?

Goizian deportia, gero periodikua leittu, ikasi... Erak dana antolatuta dauke. Berez eztaukuzu ezebe egitteko, baiña aldi berian eren ordutegira moldatu bihar zara. Rekuentua, armozua, gero antxitxika zeldara zeozter hartu nahi baldin badozu, itxi egitten dabelako. Patixora juteko be antxitxika. Han sireniak josten dabenian barrura... Eguna moztuta dauke erak. Ordutegi fijo bat egunero, jai izen, Gabonak izen edo asteko egun bat izen. Edozein egun dala be, danak igualak die.

LARREA

TABERNA

Kalebarren 17
ANTZUOLA

igok eta Txomin

Pintura orokorrean.
Paper, tela, binilo, kortxo... estaldurak.
Gotelesa, iztukuak eta
bestelako imitazioak.

ANTZUOLA BERGARA
☎ 943 76 60 39 ☎ 943 76 19 98



Euskal
sukaldaritza

Eguneko
menua

Kalebarren 7, ANTZUOLA Tf. 943 78 71 12

...eukitzen da barruan"

Nolatan maisu ikasketak egitea?

Zerbait egittarren hasi nitzan. Alcalan etzeguan ezebe. Segun ze kartzelatan polideportibua, bibliotekia edo zeozer egoten da, baiña han etzeguan ezebe eta orduak zelabait pasatzeko estudiatzen hasi nitzan. Gero gustau egin jat eta oin opor batzuk hartuko dittut eta gero bukatu egin biharko dot.

Nola bizi izan dituzu kartzela batek besterako aldaketak?

Kartzela barruan be aldatu nabe leku. Alcalan, adibidez, modulo baten egon edo beste baten, zihero diferentia da. Aldatzen zaittuenian berriz hasieratik hasi bihar zara. Pare bat hillebetian galduta egoten zara eta gaiñera jeneralian aldatzen dabenian "leku horretan ondogi" zarelako aldatzen zaittue. Lehenengo aldiz moduloz aldatu ginttuztenian Angel Figeroakin nenguan eta eren familixakak akzidentia euki zebe bisittara zetoze, eta bere amama hil egin zan, eta egun hortan bertan moduloz aldatu ginttuen, eta bera bakarrik laga zebe, justu lagunak onduan euki biharra zeukanian. Inpotente sentitzen zara.

Zein izan da hiru lekuetatik gogorrena?

Navalcarnerora aillegau giñanian (kartzela bezela Meco baiño dexente hobeto egon arren) bost euskaldun genden eta bakoitza moduloz baten ipiñi ginttuzten. Esan zoskuen ez giñuala alkar ikusiko eta bakarrik egongo giñala. Gero ohittu egin zara, baiña hasieran... Bestela danetik, momentu txarrak eta hobiak eukitzen die.

Pollerua eta Eltzikortarekin harremanik izan duzu?

Kartzelatik kartzelako korreua be badago, baiña kartia hillabete bat edo bi beranduago jasotzen da eta haren eran-

tzuna jaso orduko beste horrenbeste. Eta ezta erreza holako harreman bat eruatia, baiña bai egin izen dot. Gero, aparte lagunen eta etxekuen bidez.

Badakizu zenbat bisita izan dituzun?

Uf! Bisiten listia sekulakua zan. 52 aste dauka urtiak, bider hiru edo lau, ixa 200. Bakoitzian hiru edo lau lagun...

Nola bizi izan zenuten Lizarra-Garaziko hitzarmena?

Kalian bezela barruan be; oso ondo hartu zan. Momentu horretan beste batekin nenguan eta berba egitteko aukeria euki giñuan. Hemengo notizien egarria eukitzen da han barruan.

Nola ikusten duzu Euskal Herriaren etorkizuna?

Ikusi da ze bide hasi dan eta horri segidu bihar jakola argi dago. Pasatzen dana da, goiko mailletan nahiko zuzen doiarrela eta basetan oindio ezta bihar dan bezela landu. Igual zabaldu ezkeror zer esaten daben Lizarra-Garaziko akordixuak... Horren inguruan lan egin bihar



da. Baiña oindio ez gare bake prozesu baten. Ikusten da Madril egitten dabilena, euskaldunon artian harremanak apurtzen saiatzen dabit.

Presoen aldeko mobilizazioei buruz zer diozu?

Sartu giñanian ez giñuan imajinatu be egitten irten naizenian ikusi dotena. Urtarrilaren 9ko manifa haura oin dala urte batzuk eztozu imajinatzen. Mayor Orejari gauzak etxako ondo eriten presuen kasuan eta hori ikusi egitten da, nik ikusi dot hemen Antzuolan, etorri eta halako harrerria eta... Ezta lortu gu bazartzia, presuak ikusten da herri honek maitte dittuala.

Gauzak asko aldatu dira, beraz, hirurte eta erdi luze hauetan?

Bai. Lizarra-Garaziko hitzarmena siñatu zanetik bai. Etorri naizenian eta Euskal Telebista ikusi dotenian... Lehen edo orain ikusi, alde edarra dago! Dana dala, kartzelako egoeria ezta aldatu eta zeoze aldatu baldin bada beti okerrera. Espaiñolak ezta nahi gauzak aldatzia, hortaz, espaiñolekin jai dauku.

Zer esango zenieke Pollero eta Eltzikortari?

Bixei eta barruan daren eta Kontuola irakurtzen daben beste danei be, agur bero bat eta gogor segitzeko, zain gare eta!

■ ■ ■
*"Martutenetik
 irten nitzanian eta
 ikusi neban
 jente pilliakin,
 danak animatzen eta,
 "pasauta" geldittu
 nitzan"*
 ■ ■ ■



Jose Gomez
Abad

Errekalde 6, 4-B. Antzuola
943 76 60 19
943 76 60 43

GOROSTI
Taberna

☎ 943 76 62 96
Zurrategi plaza ANTZUOLA




IGELTSEROTZA

Jose Luis Zabalo

Birgaitzeak • Fatxadak
Teilatuak • Sukalde eta bainu gelak
Kalegoi 9, 1a., ANTZUOLA. Tf. 943 76 60 89

Balkoi eta lora ederren lehiaketa



15.000 PTAko saria eskuratuko du irabazleak.

Iritsi da **balkoiak** eta etxe aurreak apaintzeko garaia. Jadanik martxan da balkoi eta lore ederren lehiaketa. Laugarren urtez antolatzen da lehiaketa hau herrian eta etxearen kanpoaldean loreak dituzten antzuolar guztiek hartuko dute parte. Izan ere, norbera loreak txukuntxukun ipintzeaz baino ez da arduratu behar. Ez da izenik eman behar inon.

Udaletxeko hainbat kidek jardungo dute herrian dauden adibideak ikusi eta hautaketa egiten.

Oraindik ez badituzue loreak behar bezala jarri, denboraz zabilzate oraindik. Saria ez da ekaniaren 23a arte banatuko, hau da, San Joan bezpera arte. Sariak merezi du, 15.000 PTA daude joan.

PIRINIOETARA IRTEERA

Orhi eta Auñamendi (Anie) mendietara irteera antolatu du Arrolak. Euskal Mendizale Federazioaren 75. urteurrena ospatzeko antolatu diren ekintzen barruan, Euskal Herrian dabilzan bost makiletako bat Arrolak hartuko du Orhi mendian. Astebete beranduago Txindoki gainean Eibarko mendizale taldeari emango diote makila. Pirinioetara maiatzaren 8 eta 9an joango dira. Izen ematea, maiatzaren 3 eta 4an, 19:30etatik 20:30etara, Arrolaren egoitzan.

DYAREN ALDEKO KUESTAZIOA

Deba Garaiko DYAK urteroko diru eskara egingo du maiatzean. Maiatzaren lehen eta bigarren eguna hautatu dituzte horetarako. Zapatu eta domeka horretan kuestazioa egingo da DYaren alde. Urteko aurrekontuari aurre egiteko antolatzen ditu kuestazioak, 11.460.000 PTA-ko aurrekontua, hain zuzen ere. Kuestazioa goizez zein arratsaldez izango da, bi egunetan.

KUKUMARRO LEHIAKETA

San Isidroak datozela eta Udalak kukumarro lehiaketa antolatu du. Lehiaketa haur, gazte, heldu eta jubilatuentzako da. Beraz, jarri burua martxan eta eskua lanean eta txorimaloak egitera. Sariak iaz bezala, San Isidro egunean banatuko dira, egiten den azokan.

Dotore, benetan dotore

Dotore oso irten ziren joan zen apirilaren 17an Bergarako Ipintzako institutuan ikasten ari diren antzuollarrak jende aurrean. Derrigorrezko Bigarren Hezkuntzako 4. mailakoek moda desfilea egin zuten institutuan ikas-bidairako dirua ateratzeko.

Iosu Agirre, Sergio Sanchez, Maialen Madariaga, Iosu Zubikarai, Ion Pagaldai, Ugaitz Iturbe, Irune Manzisidor eta Larraitz Berraondo desfilatzen aritu ziren. Iban Unanuek, bestalde, aurkezle lanak egin zituen. Argazkian Larraitz Berraondo; praka estuak, nikia eta poltsa batekin.




**MUEBLES
IGEA**

Zurrategi plaza 4, behea ANTZUOLA Tf. eta faxa 943 78 71 80

Sukalderako eta bainurako altzariak
Altzari rustikoetan
espezializatuak

AITZ-GARBI



**taberna
jatetxea**

**Pintxoak eta kazuelatxoak.
Bazkariak eta afariak**

Kalebarren 15. Tf. 943 78 70 51